



8. september 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqut kingornussisarnermut inatsit allallu pillugit:**

**1. Naalakkersuisunut nassuiaqquneqarpoq kingornussisarneq pillugu Kalaallit Nunaanni inatsisit nalunaarutillu suut atuunnersut:**

**2. Danmarkimi kingornussisarneq pillugu inatsit nutaaq 2008-mi atuutilerpoq. Inatsimmi tassani § 105-mi aalajangersarneqarpoq, Kunngip akuersineratigut inatsit taanna Kalaallit Nunaannut atortussanngortinneqarsinnaasoq. Tamatumunnga tunngasumik Naalakkersuisut eqqarsaateqarnikuunerlutik taava taamaassimappat qaqugu piviusunngortitsiniarpat? Akissut sukumiisumik tunngavilersoqquneqarpoq.**

**3. Naalakkersuisut pilersaaruteqarnerlutik kingornussisarnermut inatsimik tigusissallutik? (Kingornussisinnaatitaanermut eqqartuussivik allatorneqarnikuuvoq liste II-mi Namminersorneq pillugu Inatsimmut ilanngussami aamma taamaasilluni tiguneqarsinnaavoq Naalagaaffeqatigiinnik Oqartussaaffinnut isumaqatigiinniareernerup kingorna).**

**4. Kingornussisarnermut tunngasunik soqutiginaateqarsinnaasunik allanik Naalakkersuisut nalunaaruteqarsinnaanerlutik?**

**5. Naalakkersuisut qinnuigineqarput inatsisit Danmarkimi inatsisinik nutaanik taarserneqarsimasut allattorsimaffiannik sanaqqullugit, ersersillugu taakkunani inatsisit qanganitsit sorliit Kalaallit Nunaanni suli atuutsinneqarnermut. Naalakkersuisunut tassunga atatillugu nassuiaqquneqarput, kunngip akuersineratigut danskit inatsisaat nutaat nutartikkat sorliit atuutsilissallugit pilersaaruteqarnerlutik imaluunniit pineqartut immikkoortut tigusissaannut sunik pilersaaruteqarnerlutik.**

(Inatsisartunut ilaasortaq Randi Vestergaard Evaldsen, Demokraatit)

### **Tunngavilersuut**

Kingornussisarneq pillugu inatsit inatsisinut arlalinnut ilaavoq, nunatsinnut eqqumiilaaraluartumik danskit folketingiannik nutaatut inatsisiliaasoq, Kalaallit Nunaannulli atuutinnitsoq. Kalaallit Nunaanni taamaattumik inatsisitoq suli atuuppoq.

Tamanna naapertuutinnitsoq arlalinnik nassataqarsinnaavoq aamma taamaattumik pingaaruteqarpoq, nunatsinni arajutsissannginnatsigu kunngip akuersineratigut danskit inatsisaat taanna nutaaq nunatsinni atortussanngortissinnaagatsigu imaluunniit periarfissaq iluatsillugu immikkoortoq tigusinnaagaluarparput namminerlu inatsisiliuullugu.

Ilaquttanit kingornussinissamut aammali sualummik inuutissarsiornermut atatillugu



DEMOKRAATIT  
DEMOKRATERNE

kingornussinissamut tamanna ajortumik kinguneqarluarsinnaavoq, maannakkut ersarissarneqartariaqartoq. Sualummik kinguaariit nikittarnerat eqqarsaatigalugu Kingornussinermut Inatsit, maannakkut Kalaallit Nunaannut atuuttoq pissutigalugu sulliviit, mikisut angisuullu, aggulunneqartariaqartarput/tunineqartariaqartarput/matuinnartariaqartarlutilluunniit.

Tassunga atatillugu kingornussisarneq pillugu immikkoortup tiguneqarsinnaanissaa eqqarsaatigisariaqarpoq.

Danskit Kingornussisarnermut Inatsisaata atuutsinneqarnera ukiunik qulinngortorsiugajalerpoq. Kalaallit Nunaannili suli qanganisat atorparput. Kalaallilli suliffiutaannut ilaqutariinnullu kingunerisinnaasai pillugit isumaqarpunga Naalakkersuisut pingaartillugu sulissutigisariaqaraat Kingornussisarnermut Inatsisip allanngortinnissaa. Tassunga Naalakkersuisut inassuteqarnissaannut qilanaarpunga, aamma kissaatigaara Apeqquutit akeqquakka ullut suliffiit naliginnaasut qulit iluanni.